

馮氏錦囊秘錄雜症大小合參卷二十

錦囊治療方論

百病之客乎人身也。必有因以客之經。曰邪之所湊。其正必虛。必字何等有力。後人當進思矣。金姓一令郎。年十四而患癰疔。羣醫不效。針灸繼之。消痰鎮墜之品。備嘗盡矣。其發更煩而更甚。乃延余治。診其脉洪弦有力。惟兩尺則弱。此陰道虧極。無陽無火。性上炎。僵仆諸候。乃發理所然也。若用消痰鎮墜之餌。不幾更耗陰分乎。乃令空心淡鹽湯。不加味。八味丸。四錢。以使真陽藏納。然。

無水制難免浮越隨以重濁大料壯水一劑
繼之以助主證封藏之勢則水火得其所矣下午乃服調
補氣血養心清肺和肝之膏滋一九如是調理兩月精神
倍長癰疾不治而愈矣故曰治病必求其本今將九煎膏

三方具後

加味八味丸方

熟地黃 一斤 用八兩清水煎汁去渣將
八兩入汁內煮爛搗爛入藥 懷山藥 四兩 炒

牡丹皮 四兩 焙 白茯苓 三兩 人乳拌 山茱肉 去核四兩 酒
透晒乾焙 拌蒸晒乾焙

澤瀉 二兩 淡鹽水 五味子 二兩 每箇銅刀切作兩
拌晒乾炒 以蜜酒拌蒸晒乾焙燥

牛膝三兩淡鹽酒拌炒肉桂取近裏一層有油而滋潤甜極者一兩五錢即入藥勿出氣不見火

製附子一兩五錢切薄片微火焙為末用熟地搗爛入藥加煉

蜜杵好集羣手丸晒乾藏磁器瓶中每早空心淡鹽湯送服四錢隨處送服煎刺使陽藏而陰以秘之也

煎方

大熟地一兩丹參一錢五分麥冬去心三錢生白芍二錢茯苓一錢五分

丹皮一錢五分遠志肉甘草煮透一錢二分牛膝三錢五味子六分

水二盞燈心十根蓮子十粒去心煎八分溫和服於八

九後滋陰藥最忌熱服熱服則走陽分不能養陰太

冷則直入腸中又不能滲行經脉

膏滋丸方

酸棗仁

四兩炒

當歸身

三兩酒拌炒

懷熟地

入兩

金石斛

去芦二兩

白芍藥

三兩蜜水拌晒乾炒

製麥冬

三兩拌炒黃米同炒炒燥去米

牛膝

三兩水洗

製遠志肉

二兩用甘草濃汁煮透晒乾焙

先以建蓮肉

一觔

去心

煎

取濃汁三十餘碗去渣入前藥在內煎取頭汁二汁去

渣熬成極濃膏滋入後藥收成大丸

揀人參

三兩研極細

白茯苓

四兩研極細

白茯苓

三兩研極細

以上收入前膏滋內丸成大丸每枚重四錢下午食遠

白湯化下一丸

旗下何宅一令郎年九歲、肚腹脹極、痞塊有形、肌削神困、僅存皮骨、耳中潰膿、目中紅腫、牙齦出血、或時腐爛、咳嗽氣短、腿膝酸疼、夜不能寐、日不能食、已成壞症、乃延余治、詢其病由、乃起於半週之內、肚稍腫硬、卽加消積丸、餌久服不減、乃消導神脾兼而治之、久服亦不效、乃清熱扶脾、佐以化積之藥、投之、其內熱腫脹亦並不減、六七年來、脹極則倍用行氣化滯、少緩則用扶脾養胃、熱極則用清熱、中以延歲月、近則復脹更甚、痞硬更大、牙疳耳目腫爛、

益甚精神益疲肌肉益削向治數醫俱爲束手待斃而已
按其脉或時弦洪有力或時弦而無力明知久服尅削攻
至真氣內亂轉護邪氣爲害先天之真陰真陽已竭乃由
空外浮之象也要知凡痞氣所成皆由中氣不能健運以
致痰食氣滯聚而不散亦非鐵石物也故古方消積藥中
必兼參朮扶正使正氣一旺自能相佐藥力以化滯於無
事之中譬如腫硬氣血一和不由膿血而自散矣奈何以
有形之藥峻攻無形之滯揆其意意如有鐵石物在其中
也以致中氣愈弱壅滯愈固愈消愈消愈弱不死何

待試不思卽大黃巴豆迅利之藥亦必仗中氣以運行人
至氣絕之後灌以巴黃勛許豈能通利一物巴黃峻利之
最者無人氣以運行則雖入腹而猶置於紙木器中安然
不動如此一想則痞聚之類可不仗中氣以運化乎且諸
病日久未有不累至根本地位受傷故初病多從標久病
必從本況此病原由根本上來者乎向來所治皆非其治
也余始先以金匱腎氣丸料加牛膝麥冬五味子作湯大
劑空心溫服數劑熱減而腹脹稍軟隨以前劑沖入人參
湯三錢食前日二劑十餘日後精神稍長諸症漸退後早

晨以生脈飲送下加牛膝五味子之八味丸三錢申酉刻
仍以前煎方進服如是調理兩月熱症悉退諸症盡平肌
肉漸生精神健旺向患之痞竟不知從何處下落矣

部主政張公五令郎年七歲亦患腹腫醫投消積之藥日
久而脹益甚肌肉盡削形如鵠立勢甚危篤諸醫已無治
法而請余視不過與其十死一生耳余曰此幸藥誤非病
拙也猶土乾則阜再投燥脾剋削益令中氣愈虛而難健
行於四肢百達乃壅滯於中脹滿益甚自然而目四肢瘦
削不堪要知此長彼消總此氣也此氣斷無消之之理惟

宜溫養以壯之。滋陰以配之。補真火以生土。益中氣以健運。健運一行。清濁自分。腫脹自愈。要知諸病不能出乎真陰真陽之外。而人之求生者。寧能外乎真陰真陽之中者乎。真陰真陽者。諸危病之要領。求生者之根本也。陰陽者。何腎中之水火是也。乃定一方。以八味去附子。倍熟地。更加牛膝。麥冬。五味。以潤水。粘金。燥更能使肺氣注於腎。而有所歸也。十餘劑後。諸症漸平。乃以前方作丸。生脈飲送之。月餘而全愈。奈不能久服。病雖去。而根本未固。次年夏月。兩脇下忽發腫。硬形如婦人之乳。垂下。外科投以解毒。

之劑不惟不效。兩頤之下腫亦如之。連翹、金銀花之類。進以升斗。敷貼之藥。塗以百計。毫無減勢。或議開刀。病家大懼。乃與余商治。余曰。此因去年根本未復。入夏陽氣浮外。肝腎之氣不能牢固於下。以致無根之火上炎。則關津管束之處。任其衝爍。爲累何毒之有。經曰。頸項者生氣之本也。乃肝之俞。又咽喉之管束。陰陽之道路。蓋三陽之脉自頸而上。三陰之脉自頸而還。惟其虛也。則無力以還。腎更不能收攝。以納乃浮而腫也。仍以去年之前方。加青皮四分。土貝母二錢。食前服之。二三劑後。腫減大半。不及十劑。

四腫俱退矣

戶科李老先生令郎少年鄉薦入都會試適患咳嗽甚頻○
余見其身長肥白頰色常紅已知表有餘而裏不足上假○
熱而下真寒病必當劇勸以重服藥餌令尊先生以有通○
譜候選之新貴甚精醫學日在診治自當霍然也詢其藥○
乃山梔黃芩花粉橘紅貝母蘇子杏仁之類余聞之而心○
甚駭欲阻之恐似嫉妬之言欲順之不忍坐視誤藥傷人○
惟力陳此病頗重望謹慎斟酌勿輕忽從標清理致生他○
變渠皆置之勿聽數劑後而嗽轉甚煩躁喜冷倍常益信○

寒涼爲對症之藥。倍用之而病轉劇。乃疑家居不能靜攝。以致服藥無靈。令移於菴觀之中。同一按摩導氣者爲伴。再兼藥餌。內外夾攻。無不愈矣。不意二日後。煩躁更甚。粒米不食。飲水無度。更信爲實熱。以三黃丸下之。究竟利行不多。而喘促逆奔之勢已見。而未甚。又一劑後。夜半喘急大作。有出無入。遍身麻木。潰汗如注。神昏目直。口噤不言。使者歸而告急於主。先生窘而告急於余。乃促騎馳去。覽其狀。委頓殆盡。按其脉。兩寸左關尚存而已。時當六月。商與四逆理中。主人畏懼。改以人參一兩。麥冬二錢。五味子。

六分肉桂錢餘主人始允急煎服之喘減片刻奈病大藥
小頃復大作主人不咎寒涼之罪而反寃參桂之誤矣余
思盡吾之力尚可以活釋彼之疑若徇彼之見必死而已
反受其怨乃堅定一方勒令服之用炒白朮三兩人參二
兩炮薑三錢五味子一錢五分製附子三錢煎濃汁半碗
灌之下咽之後病人張口大聲云心中如火烙欲死主僕
疑怨交起余總不動聽之頃然大聲云臍間更疼更熱
欲死矣余竊喜其陽能下達未至絕也果少頃喘定汗收
手足溫而神始清語言反甚無力握余手而云寒家煎無

好處及先生先生何肯堅心立救余命也。余曰：見死不救，非爲醫矣。分內之事，何足謝爲？然此方以术多而參少者，因中宮久困寒涼，不先爲理中，則陽氣終難下達也。

一張姓暮年而生一子，年十三歲矣。因暮年老人中風，請余診治。見其子出迎而步履甚難，問其故，則曰：近日忽患腿癱，旦夕疼痛，已請外科調治數日，俱云勢難消散，出膿得兩月收功。余見身體浮胖，面色饒白，已知暮年所得先天不足矣。再診其脉，六脉沉細而微，復視其腫，則右腿腫脹，已極色白而冰冷。余思經曰：氣血不和，留結爲癰。今晝

傷氣血既和而無留結則癰何自而成令以昨進乃父之
八味湯加牛膝杜仲各二錢食前服之病家幸最莫逆余
言是諾一劑之後腿卽溫煖而腫痛減半再劑而全退三
四劑後足力如故步履如常矣

吏部考功司正郎河南張老先生性稟端方居官清肅原
任作令臨潼適當吳逆叛亂文兼武備旦夕焦勞遂得怔
忡耳鳴諸症療者俱以痰治湧出痰涎斗許復用滾痰丸
餌痰勢雖清精神內奪繼而逆寇蕩平行取擢列銓部兢
兢辦事殫心竭力歷有年矣忽於辛未七月十二日正當

衙門辦事卒倒殞仆痰湧齁齁口竄口開手足強直自汗如雨倉卒擡至私宅醫者病家俱謂斷無生理而危在頃刻也值禮科王老先生探視見其勢甚危篤力延余視按其脉則六部皆豁大無倫驗其候脫勢已具八九實刻不容緩矣乃立一方人參三兩白朮二兩附子五錢煎濃汁大半碗灌之令其照方日三劑夜二劑按時進之以補接虛脫之勢服後脉氣漸斂身熱漸和遺汗漸收次日仍用前方日二服夜一服至三日諸症漸減但殞仆不省如故余曰此工夫未到故標症稍平而失散之本元神氣未能

歸復也不可少緩仍照前方日二夜一川飲藥後必濯濯
米汁半鍾以保胃氣以助藥力或有勸入風藥者余曰保
之不暇敢散之乎或有勸加痰藥者余曰補之難實敢消
之乎更有勸入清火之藥者余曰此尤誤矣元陽欲脫挽
之尚恐不及敢敗之乎余之重用白朮附子者既壯人參
培元之力而消痰去風息火之義已在於中矣倘稍涉標
治則峻補之力中反寓攻尅之性補性難於奏功尅削易
於見效走洩之竇一開虛症蜂起勢益難矣違衆勿用凡
三日所用人參計共三十五兩附子共用六兩白朮共用